

Silaannakkut angallanneq pillugu
Trafikstyrelsenip suliassai aamma piginnaatitaaneri,
Trafikstyrelsenip maleruaqquasaasa ilai pillugit
naammagittaalliuuteqarsinnaatitaaneq aamma tamanut
saqqummiussisarneq pillugit nalunaarut Kalaallit Nunaannut atuuttoq

Silaannakkut angallanneq pillugu inatsimmi § 152, § 152 a, § 153, imm. 2, aamma§ 153 a, imm. 2-5, tak. inatsimmut nalunaarsuut nr. 408, 11. september 1985-imeersoq, inatsit nr. 429-imi 13. juni 1990-imeersoq, inatsit nr. 328, 14. maj 1997-imeersoq aamma peqqussut nr. 2628, 28. december 2021-meersoq malillugit, aamma inatsisiniq aalajangersarneqanngitsumik allamut oqartussaasutut alliunerusumut suliassanngortitsisinnaaneq pillugit aalajangersarneqarpoq:

Suliassat

§ 1. Trafikstyrelseni Transportministereqarfuiup ataani aqutsisoqarfiuvoq.

§ 2. Trafikstyrelsen Kalaallit Nunaanni silaannakkut inuinnarnik angallassinermut, matumaní upalungaarsimanermut tunngatillugu silaannakkut angallannermut suliassaqarfimmi naleqqussaanermik, akuersissutinik aamma nakkutiliinermik isumaginnittuuvooq.

Silaannakkut angallanneq pillugu inatsit malillugu piginnaatitaanerit

§ 3. Transportministerip silaannakkut angallannermut inatsimmi piginnaatitaaneri § 2, imm. 1, litra c, § 3, imm. 1, § 4, imm. 2 aamma3, § 7, imm. 3, § 9, § 13, imm. 1, litra b, § 16, § 20, imm. 3, § 21, imm. 3, § 24, imm. 1, § 26, imm. 1-3, § 30, § 31, § 32, imm. 2, § 34, § 35, imm. 1, § 40 g, § 40 i, imm. 3, § 50, imm. 9, § 51, § 52, § 53, § 54, § 57, imm. 2, nr. 7-10, § 57, imm. 3, § 58, imm. 2, § 59, imm. 1, 2 aamma 4, § 60, imm. 1-3, § 62, § 63, imm. 1, § 64, imm. 2, § 65, imm. 3 aamma 4, § 67, imm. 1, § 68, imm. 1, § 69, § 70, § 70 a, imm. 1-5, § 70 b, imm. 4 aamma5, § 71, imm. 2-4, § 73, § 74, § 75, imm. 1, 2, 4 aamma 8, § 76, § 77, imm. 3, § 81, § 82, § 82 a, § 83, § 85, imm. 1, 2 aamma 4, § 86, § 88, § 89 b, imm. 1, § 130, § 130 a, § 131, § 147 a, imm. 6, § 148, imm. 4, 5 aamma 7, § 150 e, imm. 1 aamma 2, § 151, § 152, imm. 3, 1. led, § 153, imm. 1, § 153 a, imm. 1, § 154, imm. 1, § 155, imm. 2, aamma § 156, imm. 2, kiisalu inatsimmut ilangussami § 111, imm. 1-imi Trafikstyrelsenimit atorneqartumi. Trafikstyrelsen aammattaaq silaannakkut angallannermi suliassanik, silaannakkut angallanneq pillugu inatsit malillugu aqutsisoqarfimmut suliakkiutigineqarsimasunik ingerlatsisuuvoq.

Imm. 2. Aamma silaannakkut angallanneq pillugu inatsimmi § 3, imm. 2, aamma§ 153 a, imm. 2, 1. pkt.-imi aalajangersakkani naalagaaffik tamakkerlugu imaluunniit naalagaaffiup ilaani silaannakkut angallannermk utaqqiisaagallartumik killiliineq, patsisssaliineq imaluunniit inerteqquteqarneq pillugu ministerip piginnaatitaanera atuutsinneqarpoq, killiliineq, piumasaqaatit imaluunniit inerteqqusiineq timmisartortsinermi isumannaallisaanermut isiginiagassat eqqarsaatigalugit pineqarpata.

Imm. 3. Aliikkutaralugu timmisartortarneq aamma allat timmisartortsinermi isumannaallisaanermut tunngassuteqartuni akisussaaffeqartumik ingerlanneqartutut isigineqarsinnaasut pillugit aalajangiisussaatitaaneq silaannakkut angallannermut inatsit imaluunniit imm. 1 malillugu Trafikstyrelsenimit tunniunneqarsimasoq, silaannakkut angallanneq pillugu inatsimmi § 152, imm. 2 malillugu pisortani oqartussanut allanut, kattuffissuarnut namminersortunut imaluunniit immikkut paasisimasalinnut, aalajangiisinnanermut piginnaatitaaneq tunniussinnaavaa.

Imm. 4. Ingerlatsineq pillugu inatsimmi kap. 2-7 kattuffissuarnut namminersortunut aamma immikkut paasisimasalinnut atuuppoq, taakku imm. 3 malillugu aalajangiisinnatitaammata. Trafikstyrelseni allagaatit toqqortaatigineqartussaatitaanerat il.il. aamma nipangiussisussaatitaaneq pillugit maleruagassanik aalajangersaasinnaavoq.

Silaannakkut angallassissutinik ingerlatsisinnanermut akuersissutinik nalunaarsuineq pillugu inatsit malilluu piginnaatitaanerit

§ 4. Silaannakkut angallassissutinik ingerlatsisinnaanermut akuersissutinik nalunaarsuineq pillugu inatsimmi § 31-mi transportministerip piginnaatitaanerinik Trafikstyrelsen atortitsisuovoq.

Silaannakkut angallanneq pillugu maleruaqqusat

§ 5. Teknikkikkut maleruaqqusat, § 3 malillugu Trafikstyrelsemitt atulersinneqartut, Lovtidendemi nalunaarutigineqarneq ajorput, taamaattoq tak. imm. 2.

Imm. 2. silaannakkut angallannermi inatsimmi, § 40 g, § 50, imm. 9, § 70, § 70 a, imm. 1-5, § 70 b, imm. 4 aamma 5, § 76, § 85, imm. 1-2 aamma 4, § 130, § 130 a aamma § 131 malillugit maleruaqqusat aalajangersarneqartut, nalunaarutit Lovtidendemi nalunaarutigalugit saqqummiunneqartassapput.

Imm. 3. Teknikkikkut maleruaqqusat, Lovtidende nalunaarutigineqartussaanngitsut, tak. imm. 1, Inuinnarnik Silaannakkut angallassisarnermut (BL) aalajangersakkatut suliarineqartassapput, taamaattorli tak. 4-8. Inuinnarnik Silaannakkut angallassisarnermut (BL) aalajangersakkatut Trafikstyrelsenip nittartagaatigut www.trafikstyrelsen.dk tamanut saqqummiunneqartassapput.

Imm. 4. Teknikkikkut maleruaqqusat, silaannakkut angallannermik kiffartuussisartunut erseqqissaassutaasunik naalakkiutitut ittut, ATS-naalakkiutitut suliarineqartassapput, taakkulu Trafikstyrelsenip nittartagaatigut www.trafikstyrelsen.dk tamanut saqqummiunneqartassapput.

Imm. 5. Teknikkikkut maleruaqqusat, nunani tamalaani pisussaaffeqarnerup malitsigisaatut AIP-mi (»Aeronautical Information Publication«) aalajangersarneqartartut, AIP-imit tamanut saqqummiussinikkut tamanut saqqummiunneqartassapput.

Imm. 6. Teknikkikkut maleruaqqusat, silaannakkut angallannermut isumannaallisaaneq eqqarsaatigalugu immikkoortinnejarsimasut, illua'tungiusunut suliamut attuumassutilinnut qanimut imaluunniit digitalimik toqqaannartumik paassisutissutigalugit nalunaarutigineqartassapput.

Imm. 7. Sivikitsuinnarmik inerteqqutit aamma sivikitsuinnarmik sumiiffiit killilersuiffigineqartut pillugit teknikkikkut maleruaqqusat, silaannakkut angallannermut inatsimmi § 3, imm. 1 malillugu atortuulersinneqartut, Trafikstyrelsenip nittartagaatigut www.trafikstyrelsen.dk nalunaaruteqarnermi kikkunnut tamanut saqqummiunneqartassapput.

Imm. 8. Sivikitsuinnarmik inerteqqutit aamma sivikitsuinnarmik sumiiffiit killilersuiffigineqartut pillugit teknikkikkut maleruaqqusat, silaannakkut angallannermut inatsit malillugu § 3, imm. 1 malillugu atortuulersinneqartut, pissutsini pisariaqtitsisoqarpat, NOTAM-imik nassiuussinikkut nalunaarutigineqartassapput.

Imm. 9. Nunani tamalaani Inuinnarnik Silaannakkut angallassisarnermut Kattuffiup usinik ulorianartunik isumannaatsumik angallassisarnermut teknikkikkut ilitsersuutai aamma taakkuninnga kingusinnerusukkut allannguutit Lovtidendemi nalunaarutigineqarneq ajorput. Ilitsersuutit taakku Trafikstyrelsenip nittartagaatigut www.trafikstyrelsen.dk tamanut saqqummiunneqartassapput.

Naammagittaalliuuteqarsinnaatitaaneq

§ 6. Nalunaarummi uani § 3 malillugu, aamma silaannakkut angallanneq pillugu inatsit malillugu, taannalu malillugu maleruagassat aalajangersarnejarsimasut, Inuinnarnik Silaannakkut angallassisarnermut aalajangersakkat malillugit Trafikstyrelsenip aalajangigai, aamma silaannakkut angallassisarnermik suliassaqarfimm EU-mit peqqussutit, transportministerimut imaluunniit allaffissornikkut oqartussaasumut allamut naammagittaalliuutigineqarsinnaanngillat, taamaattorli tak. imm. 2.

Imm. 2. Nalunaarummi uani § 3, imm. 3 malillugu aalajangiiffigineqarsimasut, Trafikstyrelsenimut naammagittaalliuutigineqarsinnaapput.

Imm. 3. Silaannakkut angallannermut inatsimmi § 70 a, imm. 8 malillugu Namminersorlutik Oqartussanit aalajangiiffigineqarsimasut, transportministerimut imaluunniit allaffissornikkut oqartussaasumut allamut naammagittaalliuutigineqarsinnaanngillat.

§ 7. Nalunaarut ulloq 1. januar 2024-mi atortuulersinneqarpoq.

Transportministeriaqarfik, ulloq xx. xxxxx 2023

/